

Badan Melayu terus sumbang

Seorang sudah berkecimpung sebagai sukarelawan dalam pertubuhan lebih 20 tahun dan yang seorang pula boleh dianggap 'orang baru'. Namun yang pasti kedua mereka mempunyai matlamat yang serupa – meningkatkan kemajuan masyarakat Melayu/Islam ke tahap yang lebih tinggi. Tapi apakah yang mendorong mereka untuk melakukan kerja-kerja kemasyarakatan demi masa depan yang lebih cerah buat masyarakat Melayu/Islam setempat? **FARID HAMZAH** (farid@sph.com.sg) melaporkan.

Peranan 4PM masih relevan

SEPANJANG 25 tahun lamanya Encik Izzuddin Taherally menjadi Presiden Persatuan Persuratan Pemuda Pemuda Melayu (4PM) belum pernah beliau mulakan mesyuarat lewat, walau lima minit sekalipun.

Setiap mesyuarat pula tidak melebihi sejam setengah.

Baginya setiap minit itu amat berharga dan kesan kelewatan bukan sekadar ke atas persatuan tersebut, malah boleh juga menjejaskan hubungan dengan keluarga masing-masing.

Encik Izzuddin, 61 tahun berkata kesannya dalam jangka panjang ialah tabiat 'datang lewat' yang pasti menjadi amalan tidak sihat dan ini boleh menjejaskan imej persatuan.

Lebih buruk lagi sekiranya mesyuarat bermula lewat, maka ini bermakna masa akan berlautan.

"Bayangkan sekiranya anggota persatuan itu pulang ke rumah selepas tengah malam setiap kali selepas ada mesyuarat persatuan, maka ia sedikit sebanyak menjejaskan hubungan dengan pasangan masing-masing bukan?"

"Lama kelamaan ia boleh menjadi lebih serius," jelasnya yang tiba tepat pada masanya sempena temuramah tersebut.

Selain itu beliau juga tidak akan menganjurkan mesyuarat pada hujung minggu – melainkan program dan projek tertentu sahaja.

Beliau jangkakan faktor masa akan lebih penting dalam masa akan datang apatah lagi dalam suasana ekonomi negara yang menjadi semakin mencabar.

Ini membuat orang ramai, terutamanya golongan muda lebih mengutamakan masa yang dihabiskan dalam pendidikan atau kerjaya serta keluarga masing-masing berbanding masa sebagai sukarelawan di VWO.

"Sebab itulah penting bagi VWO seperti 4PM membuktikan kepada golongan muda bahawa masa yang diperuntukkan sebagai sukarelawan dengan persatuan ini merupakan masa berkualiti – biar pun untuk seketika.

"Dan kami sebagai anggota pengurusan perlu contohkannya kepada mereka bahawa masa berkualiti itu mampu tercapai," katanya.

Encik Izzuddin mula menceburi 4PM sebagai seorang tenaga pengajar tuisyen kendalian persatuan itu pada 1971 ketika masih menuntut di Maktab Rendah Kebangsaan (MJC).

Ketika itu beliau mengajar Matematik kepada para pelajar dari golongan berpendapatan rendah.

"Apabila saya mengajar mereka saya teringat pesanan arwah bapa saya bahawa walau apa pun yang berlaku, jadikan pendidikan sebagai kunci ke arah kejayaan.

GENAP 25 TAHUN:
Encik Izzuddin Taherally dikatakan pemimpin 4PM paling lama yang menerajui pertubuhan itu.
— Foto-foto M.O. SALLEH



PANTANG LEWAT: Encik Izzuddin Taherally (lima dari kanan) merupakan seorang yang amat mementingkan jadual dan sering memastikan agar mesyuarat bermula tepat pada masanya.

Sebagai pemimpin

"Itu yang mendorong saya untuk terus menabur bakti kepada 4PM sehingga ke hari ini," katanya yang kehilangan bapanya ketika berusia 11 tahun.

Kini antara lain 4PM menawarkan program prasekolah termasuk tajaan dan tadika untuk kanak-kanak semuda empat tahun.

Selain itu terdapat juga program kerja sosial untuk semua pelajar di Institut Pendidikan Teknikal (ITE) berupa aktiviti menerusi sesi kumpulan interaktif, bengkel, kaunseling, ceramah pendidikan, skim mentor dan pemikiran kreatif.

Bagi mereka yang menuntut di peringkat pengajian tinggi terdapat juga satu inisiatif yang bertujuan membantu para belia meneroka dan membangun potensi selain menawarkan sokongan buat mereka menghadapi cabaran hidup seperti peperiksaan, kerja dan pengurusan tekanan.

Semua ini, kata beliau berserta banyak lagi khidmat lain akan terus menjadi teras utama 4PM.

Tahun ini genap 25 tahun Encik Izzuddin menjadi Presiden 4PM.

Difahamkan beliau yang menjadi Presiden 4PM semasa berusia 36 tahun, merupakan pemimpin paling lama yang memegang jawatan tersebut dengan persatuan itu.

Tidak dapat dipastikan sekiranya beliau pemimpin pertubuhan Melayu/Islam paling lama yang memegang jawatan tertinggi sesebuah persatuan.

"Jika ada yang tanya mengapa saya lama sangat duduk di kerusi Presiden 4PM, saya tak tahu bagaimana untuk menjawabnya.

"Yang pasti ini bukan satu perlumbaan di mana saya cuba berkhidmat paling lama sebagai pemimpin persatuan berbanding pemimpin lain.

"Yang penting ialah kerjasama dengan anggota pengurusan lain.

"Tapi jangan sangka kami tiada pemimpin pelapis.

"Sebenarnya pemimpin pelapis masih dan terus diberi bimbingan sebelum mereka ambil alih pucuk pimpinan.

"Malahan pasukan pelapis kami sudah bersedia untuk menerajui 4PM dalam masa yang terdekat," katanya yang enggan mendedahkan bila perubahan itu akan berlaku.

SEKILAS ACARA SG50

Layari laman www.singapore50.sg untuk maklumat lanjut.

Siri konsert di taman

Ayuh, nikmati udara segar sambil terhibur dengan persembahan konsert di taman. Satu siri konsert percuma akan diadakan di taman-taman di sini, memaparkan persembahan oleh bakat-bakat tempatan dan kumpulan masyarakat. Bermula pada 14 Mac, selebriti setempat seperti Kit Chan, Suhaimi Yusof dan kumpulan Jack & Rai akan menghiburkan pengunjung. Gerai makanan dan permainan juga tersedia. SG50 Concert Series in the Park akan diadakan pada 14 Mac, mulai 4 petang di taman Bishan Park-Ang Mo Kio Park Grand Lawn I. Percuma untuk semua.

SG Heart Map

Acara ini menghargai tempat-tempat di Singapura yang menjadi sebahagian definisi RUMAH kepada penduduk setempat dan menawarkan peluang kepada semua untuk mengimbas serta berhubung menerusi detil-detik istimewa selain berkongsi memori mengenai tempat-tempat ini. Acara ini berlangsung dari November 2014 - November 2015.

Majulah Komunitiku



MAJULAH TERUS: Encik Khairu Rejal (kanan) dan Encik Mohksin merupakan dua tunggak utama Majulah Community yang berhasrat melihat anak muda hari ini menjadi 'jentera' ekonomi pada masa akan datang. — Foto TUKIMAN WARJI



SABAR HARUNGI BANJIR: Encik Khairu (kanan) sama-sama menghantar bekalan bantuan makanan kepada mereka yang menjadi mangsa banjir di Temerloh, Pahang. — Foto MAJULAH COMMUNITY

Rata-rata pertubuhan itu diterajui mereka yang berusia sekitar 20an tahun. Antara yang dijalankan pertubuhan itu termasuk program untuk belia termasuk dari sudut sikap dan keusahawanan.

Semasa ditemui di pejabat berdaftar mereka di bangunan Scape di Orchard Link, Encik Khairu yang merupakan seorang pengurus pelaburan berkata menerusi pertubuhan itu pihaknya ingin mengingatkan generasi muda hari ini untuk tidak menjadi 'hamba' teknologi. "Kita sering ingat bahawa teknologi dapat menyelesaikan apa jua persoalan dan masalah yang dihadapi.

"Sebenarnya teknologi hanya dapat mempermudah urusan kita tapi pucuk pangkalnya hubungan antara manusia tidak dapat diuruskan menerusi teknologi sahaja.

"Perlu ada sifat-sifat tanggungjawab sosial yang lain dalam diri kita," katanya. Bagi rancangan masa depan pertubuhan itu, Encik Khairu bercadang mengadakan beberapa dialog antara agama dan kaum bagi membantu memperkukuh hubungan masyarakat yang berbilang di negara ini.

KUIZ #lahug50

MENANGI!

Beg goodie SG50 yang mengandungi sehelai beg tote, sebuah lencana, sekeping pelekat logo SG50 dan set kalendar.

Mudah sahaja!

Jawab soalan berikut dan hantarkan jawapan anda kepada bhsg50@sph.com.sg. Sertakan butir-butir peribadi iaitu nama, usia, alamat dan nombor telefon anda.

SOALAN

Sudah berapa lamakah Encik Izzuddin menjadi Presiden 4PM?

Tarikh tutup: 14 Mac 2015

Syarat-syarat:

- Keputusan pihak Berita Harian adalah muktamad.
- Setiap pembaca hanya boleh menjawab sekali sahaja.

SG 50